

U S U E T A T U T C A C Y K U C S I
I S C M A
T A K E L A Y A
K u t u l u t u

Pu wee sì Isayeli nyáma í caya təma kiŋ kék na həesungu. Iləna tonțvnaa náá təki acamaa iſe na pá muğuliŋi təma. Ntəna Iso su isəna pə wee sì paa wei i kák təŋ tə, na Aməəsi tələsi yəlaa. Iso pəəsəyi Isayeli nyáma ke mpi pa laki na pə fei teu tə pə təm.

Isəna pa faya Aməəsi takəlaya tə:

Iso kaləyəna Isayeli kawulaya na pa cələ nyáma,
titite 1–2

Mpi pə yoosiyi Iso na i yəlaa tə, titite 3–6

Təmnaa mpa pə kulaa na pə hulı Aməəsi tə, titite
7–9

¹ Tacaa Iso kula təm təo na í heeli Yuta icatə Tekuwa tiikulu Aməəsi. Təm ntı tə kék Isayeli kawulaya təm kék. Iso yəyəta-təyı na pusi naale siki na pácó tətu selyi. Yuta wulau Osiyasi na Isayeli nyəŋ Solopuwam, wei i kék Sowası pəyalu tə pa pəəle taa ke Iso yəyəta təm ntı si:

² Tacaa mu pááná,
na i nəyə nu Siyəŋ puyu taa kék Yosalem,
isən təyəlaya wula.
Təla tətəyəlenaa nyutu wulaa,
na Kaməekli puyu nyutu lontili.

*Tacaa kalənav ke Isayeli na i cələ piitimnaa
(Sili nyáma nyəntv)*

³ Mprýgý Tacaa yəyətaa si:

Pə taya ısayatı kvlumtu ke ma kaləyəna
 Silii ıcate səsəəle nyáma mə.
 Iləna pə tu kələna ısəna í kvwā
 Kalaati nyáma ke mvsuŋ na naaŋ akunj tə.
 Pə təə ké ma kaa layası nti ma temə sıw ke mə təə tə.
⁴ Maa nyayası kəkə ke mə awulaa,
 Hasayəli na Peni-Hatati pa təesəi.
⁵ Maa pəli Silii ıcate Taması kampvnaa kvlaləsəŋ.
 Iləna kolontu sıw na í ku mə wulav na i yəlaa.
 Mpi tə, ısayatı heele taa ké í yəələyi.
 Ye pə kaasa mə tətə təna ıle paa kuu-mə na pá təesəi
 Kiii.

(Filiisi nyáma nyəntv)

⁶ Mŕpýgý Tacaa tasaa sı:
 Pə taya ısayatı kvlumtu ke
 ma kaləyəna Kasa Filiisi nyáma mə.
 Iləna pə tu kələna ısəna í kuu acalee təcu yəlaa,
 na í pəetəna-yeyə İtəm nyáma tə.
 Pə təə ké ma kaa layası nti ma temə sıw ke mə təə tə.
⁷ Maa nyayası kəkə ke Kasa ıcate,
 na tə kutuluŋ kvpəŋ.
⁸ Maa kpiisi Asətəti nyáma na Asəkaləŋ nyáma
 wulav.
 Iləna má nikı İkoloŋ nyáma təə.
 Pə kaa kaası Filiisi nyáma taa ké nəyəlv.
 Tacaa lsə má, ma yəyətəna mpv.

(Fenisii nyáma nyəntv)

⁹ Mŕpýgý Tacaa tasaa tətə sı:
 Pə taya ısayatı kvlumtu ke
 ma kaləyəna Tiii Fenisi nyáma mə.

Iləna pə tu kələna ısəna í ta təki
 nəyə ɳka mə na ɬseγeli nyáma í ká pəelaa tə.
 Haləna í kuu acalee təcu yələa na
 í peetəna Itəm nyáma tə.
 Pə təo ké ma kaa layası nti ma suwa mə təo tə.
10 Maa nyayası mə icatə Tii
 na tə kawulaya təesi kupaŋsı ke kəkə.

(Itəm nyáma nyəntv)

11 Mprúgy Tacaa tasaa sı:
 Pə taya ısaγatu kvlvmtv ke
 ma kaləyəna Itəm nyáma.
 Iləna pə tu kələna ısəna í təyəna
 mə təetvnaa ɬseγeli nyáma na layate tə.
 Hali í kisi pa pətəotəle
 nyənuyu sı í kó mə pááná.
 Iləna í təki-wə na mə taa ké tam.
 Pə təo ké ma kaa layası nti ma suwa mə təo tə.
12 Maa nyayası mə icatə Teməŋ na pa kawulaya
 təesi kupaŋsı nsi sı wə Possəla icatə taa təyə kəkə.
 Mpı tə, tənaya mə awulaa səsaa ka wəe.

(Amoni nyáma nyəntv)

13 Mprúgy Tacaa tasaa sı:
 Pə taya ısaγatu kvlvmtv ke
 ma kaləyəna Amoni nyáma.
 Iləna pə tu kələna ısu í yasvuy
 Kalaati ahontona lotu tə.
 ɬlapa mprúgy sı í waləsəyı mə tetv.
 Pə təo ké ma kaa layası nti ma suwa mə təo tə.
14 Maa nyayası kəkə ke mə icatə səsəəle Lapa,
 na pə nyaya mə kawulaya təesi kupaŋsı.

Yoou wula na kū kakiisasi na kū
kacuculaya taa ke maa la mpv.

15 Paa kpa mə wulav ke yomle
na pē kpennna i waalı nyéma.
Tacaan Isə yɔyətəna mpv.

2

(Mowapv nyáma nyəntv)

1 Mpýyú Tacaan tasaa sì:
Pə taya isayatu kvlvmtv ke
ma kaləyəna Mowapv nyéma mε,
Iləna pə tu kələna isəna í wəpa
Itəm wulav mwāna í la kagyalv tə.
Pə təo kē ma kaa layası nti ma suwa mə təo tə.

2 Maa nyayasi Mowapv tetv ke kəkə,
na mə kawulaya teesı kupaŋsi nsi sì
wε Keliyo icate taa tə.

Paa yaya yoou kakiisasi na pə tutuuŋ
na Mowapv nyéma sì.

3 Maa kū mə wulav na i waalı nyéma təna.
Tacaan Isə má ma yɔyətəna mpv.

(Yuta nyáma nyəntv)

4 Mpýyú Tacaan tasaa sì:
Pə taya isayatu kvlvmtv ke
ma kaləyəna Yuta nyéma mε.
Iləna pə tu kələna isəna í kisa ma kvsəyəsətv,
na í yele ma kvsəsütv təkuyv tə.
I təŋə tuŋ na pē tolisi-mε,
isü pi lapv mə cəsənnaa tə.
Pə təo kē ma kaa layası nti maa
suwa mə təo tə.

5 Maa nyayası mə tətu na mə kawulaya təesi
kvpənjsı nsi sı wə Yosalem icate taa tə.

(Isəyeli nyəma nyəntv)

6 ÍMpúyú Tacaa tasaa sı:

Pə taya isayatu kvlvmtv ke ma
kaləyəna Isəyeli yəlaa mə.

Pə təo ké ma kaa yele nti ma sūwə mə təo tə.

Iləna pə tu kələna isəna í pəetəyı yəlaa kvpama sı,
pa ta pəsi pa kəma feluyu tə.

Í pəetəyı kvnýəntvnaa ke ntəŋkpala
maya maya nyuyu təo.

7 I feləyı acamaa ke nəəhəe,

na í pən kvnýəntvnaa ke pa tampana ke huvle taa.

Pəyele cəce na pəyaya pa kaakı alv kvlvəm,
na pə kuyı ma nyuyu.

8 Wontunaa mpa í leəka kvnýəntvnaa kinj ke təlvəma
tə,

pa təo ké í həntəyı mə tuŋ kutuluŋ taa na,

í nyəəki svlvəm mpi i leəka-wə tə.

9 Pəyele mə təo ké ma kəwa

Amolii nyəma tənəŋnaŋ.

Paa tayalaa ké isu kooması,

na pá wə alaafəya isu həleməŋ.

10 Pəle pə paasi,

ma ləsəna-meyə Icipiti tətu taa.

Pusı nüle təcu ke maa wə mə

waali ke wulaya tətu taa.

Haləna í leəki Amolii nyəma tətu.

11 Pə waali ké ma kpa mə pəyalaa taa ké

Isə kuyəyətvtv teləsələaa.

Ma ləsa pa taa lelaa na pá ha-m pa tı

na pá su nəəsi sı pa kaa nyəə svlvəm.

Yaa ma cəsəyi, Isəyəli nyáma mə?

12 Ama í hayaşa-Weyə-Wi.

Iləna í kayatı ma kuyəyətətu
teləsələaa sı pá taa yəyəti ma təm.

13 Maa teləki-mə isu kəeke səyəlvə
təyənaya pee ke səsəm ná í nañti yəlv tə.

14 Halı pü la tı faləsvəl kupaŋ ke kate sı í tułi-tı.
Aka kaa weenə tonj.

Yoolaa taa yoolu kaa hiki weesuyu.

15 Tətəlv kupaŋ kaa səŋ,
na kpayanv cayalv na selu kupaŋ kaa lıı-tı.

16 Yoolaa nəyə tu mayamaya ká lə
i wontu na í kuu-teyə niŋ kpəte.

Tacaa má, ma yəyətəna mpv.

3

Isə ká pəəsi i yəlaa ke pa kvlapəle

1 Mpýyú Tacaa tasaa sı: Isəyəli nyáma mpə mə ma
ləsa Icipiti tə, məyə ma yəyətəyi təm təne.

2 Mə tike ke ma səəla atə yəlaa təna taa na má ləsı.
Pə təo ké maa pəəsi-məyə isayatv təna nti í laki tə.

Pə wee si Isə kuyəyətətu teləsvəl i teləsi Isə Təm

3 Yəlaa naale ká kaa mpaaav
na pa ta mayası ku təm?

4 Təyəlaya ka nyusi yem ké hətvə
taa na ká tá hiki təyənaya?

Ye təyəlaya pəyaya ta kpa pəlv,
kaa kiisi yem ké ka tante taa?

5 Sumaya ka tii yem ké apai taa na ká tá na toolee?
Yaa puluyu ká kpəti yem na ku ta puu pəlv?

6 Paa hvlı apalvətutu yem na yəlaa kaa nya?

Yaa wahala ká tii icate taa ké yem na Tacaa má ma ta
kona-i?

⁷⁻⁸ Mpü tó, ye təyəlaya í nyusaa aweye səyəntu kaa
kpa?

Yaa ye Tacaa má ma yəyətəna ilə pa kisi ma təm
teləsuyu?

Pəpətu fei leleñ, Isə Tacaa má ma kaa la pvlı na má
ηməsí

Isə kuyəyətəntu teləsələaa.

Iseyəli icate səsəole Samalii nyáma huvnau

⁹ Tacaa sı: I kpaalı Asətəti na İcipiti
pə kawulası kutuluñ nyəçəñ taa.

Yəlaa í kpeyeli Samalii pulası taa,
na í ná isayatı səsəəntu na məsəñ
wei pa laki tó.

¹⁰ Pa ta nyı mpi pa yaa yaasi kupañ tó.
Mpi pa ləekəyı məsəñ na pá ηmələyı təyə
pa nyəka pa kawulası təesı taa.

¹¹ Pə təo ké kolontu ka nyala mə tətv.
I ká yəki mə koloosi na í kuu mə wontu.

Waasvıv larjwakallı nyəm

¹² Məpüyú Tacaa yəyətaa sı:
Teitei isu təyəlaya kpaakvıñ heu
na tiikulu hiki nəñkpaastı yaa nkpaiñvı
titite ke aseeta tó,
məpüyú pü la Samalii nyáma na pa kpelası kupañsı.

Isə kpaaləyı i yəlaa

¹³ Məpüyú Tacaa Isə Toma təna tu kpaalaa sı:
I teləsi Yakəpu lılvıñ nyáma sı

¹⁴ kuyakıñ nakılvı maa koo Isəyəli nyáma
məyə leetvıñ ke mə isayatı.

Maa wakəlì Peteēlì təlaaleñaa,
na má kpesi kɔtaya təlate hələñjası.

15 Maa yəki toñtuñaa luyle kutuluñ,
na yoluma nyəñ.

Pa kutuluñ wei pa lapa kacəka na tuuñ kela tə,
na pa atə na isə kutuluñ na í pəsi ncaa.
Tacaña má, ma yəyətəna mpu.

4

1 Mprýgú Tacaña yəyətəaa sì:
Samalii alaa mpa me i yasəlaa tələpələpí
isü Pasañ nyáma nañj tə,
í ke ḥkrañj na í nu.

I leekəyí acamaa,
na í muçuliñi kuyñontuñaa.

Iləna í təñ mə pañlaa sì pá ce svlum na í nyəø.

2 Tacaña Isə má,
ma tuuna ma həte nañj nyəñte sì,
kuyaku ḥku paa ləsi mə neñc na mə suka
isü kulaña na tinte tə, ku tañja kəntə.

3 Paa ləsi-me na icatə koluñja kafəenj.
Paa pona-meyø ilim ntəyəñ təø.
Tacaña má, ma yəyətəna mpu.

Acesaacesaa isə seelaa

4 Mprýgú Tacaña təma sì:

Iseýeli nyáma me,
í cesi na í puki Peteēlì yaa Kilikaa
sì í laki Isə ké təmlə,
na í təñna-m pəntənañ ke mpu.

I ha mə kuhaañ ke paa tanañ ḥku,
iləna í kona mə kuhañam ke tooso nyəñku wule,
pəyele í wakələna-m.

5 I ha mə seetu kuhañ na mə kuksvum potopotonaa.

I kpaaləna nəyə səsaya sı i haakı-m luyu kuvumuyu
kvcəən na paa wei i ni.
Isayatı ntəyı i səəlaa.
Isə Tacaa má, ma yəyətəna mpv.

Iseyeli nyáma laŋkpusəŋ

6 Mpýyú Tacaa yəyətəaa sı:
Ma yelaa na nyəçəsi lıı mə acalee taa,
na i laŋ sı i suu mə nəyə puuyu.
Paa na mpv i tá mələna ma təo.
Tacaa má ma yəyətəyəna mpv.

7 Ma pəma-meyə tev ke waatu wei mə kuhaləm nyula-
ku tə.
Ma ha icaté lente ke tev na má pə lente.
Ma yelaa na taale lente lıı teu
na lente náá wııı lııı laŋuyu təo.
8 Acalee naale yaa tooso pukaya
kulumtəle kinj sı á hiki lııı na á nyəo.
Paa na mpv pıı takı-yę.
Pəyele i tá mələna ma təo.
Tacaa má ma yəyətəna mpv.

9 Ma yelaa na kulaya na kpəeləm
pə ku mə kvtəyəŋ,
na kvtolonj təyə mə tuŋ tawa payale.
Paa na mpv i tá mələna ma təo.
Tacaa má ma yəyətəna mpv.

10 Ma yelaa na kvsəku ku mə təla
isın maa lapı Icipiti ke Moisi waatu taa tə.
Na má yele na kolontu la sakasaka
ke mə ifepiya ke yoou taa,
na i kuu mə kpaŋanəŋ.
Na sətaa səŋ nyala mə təsikile taa na pə ni-mę.

Paa na mpv í tá mələna ma təo.
Tacaa má ma yəyətəna mpv.

11 Ma wakəla pə tənaya mə te ısu
maa lapv Sətəm na Kəməə tə.
İlena mə taa ləlaa fiti ısu pa
ləsnyu təputuyu ke kəkə taa tə.
Paa na mpv í tá mələna ma təo.
Tacaa má ma yəyətəna mpv.

12 Pə təo ké Isəyəli nyáma mə
í ká na ısəna maa lana-mə tə.
İle í təyani mə tı na í sulu-m.
13 Ma lapəna póónj, na heelim,
na má həli yəlaa ke mpi mpi ma luju we lapv tə.
Ma pəsəyjı ilim ke ahoo,
na má tən tətu comcom nəəsi taa.
Maya Pə təna pə tu Tacaa Isə má,
ma yəyətəna mpv.

5

Isəyəli təo wula

1 Isəyəli nyáma í nu mə səm wula:
2 Isəyəli we ké ısu pəelə wei i səpa tə.
İ tasəyjı kuluju.
Pəcó nəyəlv kaa kvsı-i.
3 Mpi tə, Tacaa Isə yəyəta Isəyəli təm si:
Ye yəlaa iyaya (1000) pola yoou,
nunuwā (100) tike ka mələna.
Ye nunuwā (100) poləna,
naanuwā ke pu səo.

Isə yaa-we pə taa kəo na pá si

4 Tacaa yəyətaa si:

I kəə ma kiŋ na má ha-meyę weesuyu.

5 Ama í taa polo Petəeli, na Kilikaa,
na Peesepa acalee təkətələnnaa.

Pə taya pəlv,
paq kuu Kilikaa nyéma,
na pá kpiisi Petəeli nyéma.

6 Yoseefu ləlvəy nyéma mə,
ye í caa weesuyu,
pə wees sı Tacaa ke í pəeekı.

Təfə təə, ilé i ká pəsı kέ ısu kəkə
na í nyaya pə tənaya Petəeli.
Nəyəlv kaa pəsı ka teesuyu.

7 Waiyo, í layasəyı tampana na ısayatv,
na í tuyuliyı tampana nyéma.

8 Tacaa lapəna ısatvənjası ke waanı waanı.
Inı i layasəyəna səkpətəvəy ke nyaaləm,
na nyaaləm ke səkpətəvəy.
Na í həŋ teŋku ləm na í pələyı tetv təə.

I həte nté Tacaa.

9 Inı i kuyvna tonjvnaa
na í laki pa koloosi acalee ke ncaa.

10 Mə taa kpəakəna tampana yəyətəlv ke həvəle taa kέ,
na wei i hələyı-meyę mə təwakəlle tə.

11 I tuyuliyı acamaa na í əmuləyı pa kuhaləm.

Pə təə kέ i kaa nu mə kutuluŋ kəpən lelen.

Pécó i kaa təŋ mə ləseñnaa kəpəma svləm.

12 Maa səəki mə ısayatv tuutuumma taa natəli.

I tuyuliyı yəlvəpən na í tuyı kəcəəŋ.

Iləna i kuyı acamaa təm ke həvəle taa.

13 Tasəkəle təvən waatv kələ inə.

Pə təə kέ layatvnaa suma sı pə taa kəə pə na-wə.

14 I yele ısayatv na í la kəpəntv.

Iləna Pə təna pə tv ləsə wees mə waalı kέ tampana,

İsu i yəyətəng tə.

15 1 kisi ısayatı na i saəli kypantı,
na i təñəyı tampana ke huvle taa.
Ntanyı Pə təna pə tu Isə ká wii Yoseefü
ləlyuñ kakaasaya pətəətəle.

16 Mprýyú Pə təna pə tu Isə Tacaa yəyətaa si:
Paa nu ləyaya wula ke nənəcəsi təe.
Yəlaa ká makı kapusi ke hapee təna təo si:
Mpusi wei kəle, mpusi wei kəle?
Paa yaa hataa na wiilaa ke wiiu.
17 Waatu wei maa kəo yəlaa ke feluyuñ tə,
ləyaya wula ká nu ləseñ tawa təna taa.

Tacaa waasvyn kvyaku

18 Tacaa kvyaku səsəən tañlaa me,
pə taya nyaaləm ke i ká ná ku wule yoo.
Ama səkpetuñ ké.
19 Teitei ısu yulv seekuñu təyəlaya,
na i sulina ka camna,
ləna i svu təyaya na i teesina koluñja.
Ləna təm nyasa-i tə.
20 Tacaa kvyaku səsəən ká wee mprýyú.
Ku ta ke nyaaləm nyəñkv.
Ama səkpetuñ ké.

Isəsele nte Isə u caaki tə

21 Mprýyú Tacaa təma si:
Ma taa kpaana mə kətası na mə kotuñ ké.
22 Mə kətası nsi kəkə nyaya si təna tə
na mə təyənaya nyəñsi lu-m səñ.
Maa tu caa mə nawee nim nyəna.
23 1 yele kokoole ke ma ηkrañj taa si
i yooki-m yontu.
Maa caa má nu mə cəməñ təñ.

24 Pə kəla teu sì í yele na tampana wee mə həku,
iṣu pəyə səsaya ḥka kaa nyəəki tə.

25 Isayeli nyéma me, pusi nule wei í təma wulaya
tetv taa tə i lapa-m kətası na? **26** Ntəŋ mə tuŋ Sakutu
na Kewaŋ wei í saaka mə tı təyə i ka təkaa na í laaki?

27 Pə təo ké maa yele
na pá pona-meyə Taması
icatē Waali ke Asilii tetv taa.
Pə təna pə tu Isə má,
ma yəyətəna mpv.

6

Acesaacesaa naani

1 Felentunaa mpa me i təki Siyəŋ puyu
na Samalii pulaya təo ké kawulaya na naani tə,
mə təm we waiyo ké.
Meyele piitim səsəom taa acepa
na meyélé Isayeli nyéma
təna layatu tasəlāa.

2 I polo Kaləne na Hamati icatē səsəole,
na Filiisi nyéma təyə Katı,
na í na Asilii nyéma təyə pa tetv.
I ta tee mpe inəyī puv,
pa na pa tetv ta haŋna mə nyəntu tə.

3 Mə lvkí kəle sì mpusi kuyakv í polo pooluŋ.
Sesē ilə mə musuŋ təŋna-kuyu yaav.

4 I caya mə kpelası kupaŋsi nsi pa tayanna
tuŋ kela tə sì təo,
na í nyasəyi heen na nawee nim nyəna nantu.

5 I kiisiyina mə cəməŋ sì í yooki yontu.
Pəyele í kεekəna Tafiti na í luki yontu.

6 I teŋ svlv na ḥkpaaŋ,
na í tvgi tulaalvnaa kypampama.

Ama mə paa feina isəna Isəyeli kawulaya wakəlaa tə.

7 Pə təo ké ma kpaaləyi nəənəə sı í ká wee
mpa pa kpa yomle tə pa kancaalaya nyáma.
Felentunaa acima sū tənaya.

Samalii icate Wakəlvyn

8 Mpúgyó Pə təna pə tu Isə Tacaa təma sı:
Ma tuuna ma tı sı ma nyəyəsa
Isəyeli nyáma kalampaani ké.
Maa caakı mə kutuluŋ kypampaq.
Maa tu mə kolontunaa niŋ taa ké
mpi pə we Samalii taa tə.

9 Ye pə kaasa yələa naanuwa ke təyaya taa, pəle
paa sı. **10** Paa wei í pola i sətu kpayav sı i piŋ, na í
mayana pə kaasa nəyəlu ke naŋ leŋkv taa. I ka pəəsi-
i sı: Nyana nəyəlvyn? Ulena pəntv sı: Aai. Ilə sətu
kpayalv ká təki-i sı, su. Taa yaa Tacaa həte na í nyı
sı yulv we cəne.

11 Pə taya pəlv,
ye Tacaa í yəyəttaa,
kutuluŋ səsəŋ na səkpeŋ ká yəki i tənaya.

Akaitv we təm naale ama pə ké kpete

12 Wulee kpayanəŋ kpayə asewa ke kkpamuyu tə?
Yaa í na pa hala ku təo na naŋ?
Ilə pepe təo ké mə layasəyi tampana na isayatv,
na a kvlolum pəsəyi nyəŋ pəlv?

13 Na mə laŋa həewa sı í ləeka icate kpəi nyəntε,
na i həŋ mə tı sı mə toma təo ké í ləeka toŋ icate.
14 Mpúgyó Pə təna pə tu Isə Tacaa təma sı: Maa yele
na piitim napəli pə kvl na pə hvli-meyə pə toŋ. Pə
kpayav Lepo-Hamatı ke Isəyeli tetv ilim ntəyəŋ tə,
haləna Alapa ləəv ke ilim mpətəŋ təo.

7*Aməəsi toosee kancaalaya nyəna*

1 ÍMpúyú Tacaa Isə lapa na má toosi sì pa temə wulau kumtv kancaalaya nyəntu, na pē kaası kufatu. Iləna Isə tisi kutoloj tsu isəñmuntu. **2** Waatv wei kutoloj temə tetv təna taa nyutv ke niisuyu, iləna má wiina-ı sì: Hai, Tacaa Isə, wii nyá yələa. Pa kəla pəciiu, paa sì. **3** Iləna í layası huvvəe na í tə sì: Təle tə kaa la.

Toosee naale nyəna

4 ÍMpúyú Isə Tacaa lapa na má tasa toosuyu sì, kəkə nté i huvvayana yələa, na ká nyakı teñku lvm na tetv.

5 Ntəna má wiina-ı sì Hai, Tacaa, yele mpv. Təfə Isəyeli nyéma kəla pəciiu, paa sì. **6** Kələna í layası na í tə sì: Təle tə kaa la.

Toosee tooso nyəna

7 ÍMpúyú Tacaa lapa na má tasa toosuyu sì, i səñja koluñja təo kəle na í təka kumayasuyu ke i niñ taa.

8 Iləna í pəəsi-m sì: Aməəsi, weye n naakı ma niñ taa? Ma sì: Kumayasuyu. Mpuyvle sì: Ma caa ma mayası ma yələa kē na má ná sì pa siyisaa yaa pa ta siyisi. Mpi tə, ma kaa huisi pa kawalaya.

9 Maa wakəli Isəyeli nyéma təkətəlenaa, na má ku wulau Solopuwam luvvuy nyéma na layate.

Aməəsi təyəñnyu ke Peteeли

10 ÍMpúyú Peteeли kətvlv Amasiya heela Isəyeli wulau Solopuwam sì: Aməəsi na i yələa pa pəəla nəyə ke nyá təo ke Isəyeli taa cəneçə, na i kuyəyətvtu mayamaya wakələyı Isəyeli tetv. **11** Halı i yəyətaa sì: Paa kū-ŋ, iləna pá kuu Isəyeli nyéma na pá ponə-weyə pooluŋ.

12 Mprýgú Amasiya tōma Aməəsi sí: Toosee tu nyá, lu cəne na ní kpe Yuta na ní teləsəyí nyá Isə kuyəyətutu ke təna, na ní təkəna. **13** Ama yele-təyí Peteelı cəne. Mpi tə, pə kékawulaya Isə təsəelə səsəəle kék.

14 Mprýgulə Aməəsi cə-i sí: Pa a feləyí-m ma Isə kuyəyətutu teləsuyñ təə. Ama təla ke ma təəki na má haləyí tuñ. **15** Ma kaləku waali kék Tacaa yaa-m. Ntena í tə-m sí má polo má kpaalı i təm ke i yələaa Isəyeli kawulaya nyáma ke ilim ntəyən təə. **16** Mprýgú nyá kisina-m sí ma taa kpaalı-ti. Pə təə kék Tacaa sí má teləsi-n sí **17** nyá alv kák pəsí apalaa təna alv ke icate taa, na pá ku nyá piya ke yoou taa. Iləna nyaa sí ma ta nyi isənaa tetu taa, na pá ponə Isəyeli nyáma ke tetu poolun nyəntu taa kék təlası.

8

Toosee liyiti nyəna

1 Mprýgú Tacaa lapa na ma tasa toosuyu. Tuñ pee kypəpuna na təkvu nté ma nawa. **2** Iləna í pəəsi-m sí: Pepeye n naakı, Aməəsi? Ma sí Tuñu pee wena a riwa tə a təkvu. Mprýgulə sí: Ma yələaa Isəyeli nyáma riwaya, pa tala pa tənaya. Ma kaa tasa-wəyə wiiu.

3 Ma heela-wə sí:
Isə Tacaa ma, ma huvulə kuyaku wule,
kawulaya təyaya taa yontu kák pəsí wula.
Iləna sətaa səyəti, na pə sumə tiyitiyi.

Taatələaa isayatv

4 Mprýgú Tacaa təma sí:
Mpa me mə feləyí konyəntvnaa ke noħħee,
na í kuyi tetu taa wahala nyáma,
5 Iləna í təñ sí isətv kufalv acima
u təñ ləñ sí té taati.

Aaiyee si, kuyaku kuhesuyu
naa teŋ ləŋ si tə ləsi təyənaya pee
na tə pasa mayasəlaya.
Iləna tə kpaasi ka liyitee.

Na tə lu sanəyanaa kumuyullaa,
⁶ na tə krepəyəna toolee na tə pəetəyi.
Ye konyəntu ta pəsi
na i feли-meyę ntaŋkpala liyitee,
ilə i kpa-i yomle.

⁷ Mpúgyó Tacaa tuuwa si:
Na tetu nti i həŋna mə tı ısəntə tə,
ma kaa səo mə lakaşı səne.
⁸ Pə təo kē tetu ká sele,
na tə taa yəlaa təna caya ləyaya.
Tu kpaaki na tə tiiki ısu Nili pəyə ləm.

⁹ Mpúgyó Tacaa Isə tasaa si:
Kuyaŋkuyu maa yele na ilim tu pə sikuyu waatv.
Iləna səkpetvəny nyala tetu təna təo.
¹⁰ Maa pəsəna mə acima ke ləyaya,
na mə laŋhvləmle yontu pəsi wula.
Na yəlaa təna looli pa nyəəŋ ısu ləyaya
na pá suu ləyaya wontu ısu fələtənaa taka,
ısu pəyaya ikpamlə səpəna.
Iləna pə tənaya mpv pə pəsi laŋwakəlle kuyaku.

¹¹ Mpúgyó Tacaa təma si:
Maa kəna wahala ke kuyaku nakvli.
Wahala inəyəle si ma kuyəyəntu nuu
konyuŋuŋu ká kpa yəlaa,
na pə kəli ısu nyəyəsi yaa ləkətu kuvkuyu-wə tə.
¹² Pa a cəo yem kē tetu təna,
na pá pəekəyi si pá nu ma təm,
ama pa kaa na.

13 Kuyaŋkuŋu lükötü ká kv ifepiya akpala nyéma,
na pœelaa kypama, na pá pi-wε.

14 Na mpa pa tuukina Samalii tʊyv,
yaa Taŋ nyəŋku yaa Peesepa nyəŋku tɔ.
Pa təna paa hoti, pa kaa tasa kvlvγv.

9

Toosee kakpasi nyəna

1 Mpúγv ma na Tacaa na í səŋja kətaya təlate tɔ
na í təŋ si: I yəkí Isə təseelə akele nyvγv na pə ciyiti
kutuluyu təna kite.

Maa yəkí akelenaa,
na pá hoti yəlaa tɔ na pə kv-wε.
Ulenā yooou náá kv mpa pu kaasi tɔ,
nɔyəlu kaa fiti.

2 Paa pa tii atetəle taa,
maa ləsi-wεyε təna.

Paa pa kpa isətaa isu ma tisa-wε.

3 Paa Kameeli pʊyv taa kέ pa ŋmela-m,
isu ma kula pa tɔ na má kpa-wε.

Paa pa sewa na pá svv lvm təe mayamaya,
maa yele na lvm təe tvm nyasa-wεyε təna.

4 Ye kolontunaa ponə-wε,
maa yele na pá kv-wεyε təna.

Ma kaa tasa-wεyε Waasvγv,
isu ma kpiisa-wε.

5 Ye Toma təna tu Isə Tacaa tákə mpəle ke tetu tɔ,
te kpaa kέ na té tiiki, isu Nili pɔyɔ lvm.

Ulenā tə yəlaa təna caya ləyaya.

6 Isə pama isətənuyv ke tetu tɔ kέ.

I lapa i təcayale ke isətənuyv nyvγv taa.
I həŋ teŋku lvm na í pələyɪ-wəyɪ tetu tɔ.

I həte nté Tacaa.

Tasəkəle nyáma hvvnav

- 7** Mŕúgyó Tacaa təma sı:
 Isəyəli nyáma mε,
 í tá təe Itiyopii nyáma se.
 Isəna ma ləsa-meyę Icipiti tə,
 mŕúgyó ma ləsa Filiisi nyáma ke Kəleetü,
 na má ləsi Silii nyáma ke Kiii.
8 Ma nawa mə kawulaya tasəkəle,
 ılenə má tu ma taa sı maa kpiisi-meyę tetv təo.
 Paa na mpv ma kaa kpiisi Yákəpv ləlvənyu nyáma
 təna təkpataa.
9-10 Maa yası-meyę piitimnəa ləmpənəa həkv.
 Pı kpiisi mə taa asayaa mpə paa tisiyi sı
 mpusinəa ká mayana-mə təyə yooou taa.
 Isı pa lintuğuu təyənaya pee na pə yeki pəe tə.

Nəəsi sıw na lajheele

- 11** Mŕúgyó Tacaa təma sı:
 Kuyaku nakvılı maa kvı Tafitı icatə
 ncaale na má tə pəyələe.
 Maa ńma icatə nté isı tu wev ləŋ tə.
12 Ule Isəyəli nyáma ká taγanı muγu ke Itəm tetv
 na tə cələ tetv nti tə kέ Tacaa nyəntv tə.
 Tacaa má, mə yəyətəna.
 Maa la mŕúgyó teitei.
13 Mŕúgyó Tacaa tasaa sı:
 Pı kəo na hataa haləyı,
 pə kaa leeli, ılenə pá kv.
 Paa tuu, pə kaa leeli,
 na ləseñ kooluğu tala.
 ılenə svlum kufam kpe póáŋ təo

na pə fəyəni pulası təna.

14 Waatı ınəxı maa cə ıseyxel nyéma məyə mə yomle
taa.

I ka təyanı mə acaləe nna pı kpiisaa təxə ımau
na í caya.

İlena í hala na í təxə,
na í sə tuŋ wei pa yaa sı lesəŋnaa tə
na í nyəə pə svlum.

15 Maa sı ma yəlaa məyə tetv nti ma ha-mə tə tə taa.

Nəyəlv kaa tasa-məyə təxənugv tətə.

Tacaə mə ısa má, ma yəyətəna mpv.

**PIIPILI CSILCTM TAKELAYA
Portions of the Holy Bible in the Lokpa language of
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files
dated 9 Oct 2020

ef14191a-91f7-51c1-ac89-7b93dd7c4377